

安福縣志卷二十五

物產

穀

毛

羽

蔬

木

鱗

介

果

蟲

竹

食

藥

花

貨

附

草

物之至常而可貴者莫如布帛菽粟其他珍異之類
勿尚焉福邑地饒而民勤以故物產繁滋較倍他邑
而其至多者則惟稻與棉二者饑寒所由免也於他
物乎何求顧五土所會各有其宜一物不知引以為
恥而或概畧焉可乎為之辨其類而詳註之且附食
貨於後由是物土宜而布利愛土物而心臧胥於是
乎在博物云乎哉志物產

安福縣志

物產

一

卷二十五

禹貢荆州厥貢羽毛齒革惟金三品
椀幹栝栢礪砥
斨丹惟箇籛楛三邦底貢厥名包匭菁茅厥筐元纁
璣組九江納錫大龜

周禮職方氏荆州其利丹銀其畜宜鳥獸其穀宜稻
楚辭沅有芷兮澧有蘭劉次莊樂府集離騷曰
芻秋蘭以為佩又曰秋蘭兮青青綠葉兮紫莖
今沅澧所生花在春則黃在秋則紫然春黃不及秋紫之芬馥
更記貨殖傳楚地飯稻羹魚果隋羸蛤不待賈而足
唐書地理志澧州土貢絞綾紵練縛巾

九域志澧州土貢綾紵十疋

又土貢蜀漆

明統志州漆

又土貢光粉

湖廣通志粉

又

土貢竹簞

通典澧陽郡貢

又土貢柑橘

通典禮澧陽

七百顆橘子

采史食貨志茶出潭岳辰澧州有仙芝玉津先春綠

芽之類二十六等

文獻通考宋制買茶之處湖南則潭澧鼎岳片茶有

獨行靈草綠芽片金又熙甯十年以前酒課五萬貫

以下澧二務岳四務

元史至元十三年二月立岳常德澧州權茶提舉司

安福縣志

物產

二

卷之二十五

又至元二十六年五月置湖廣木棉提舉司責民歲

輸木棉十萬匹舊通志棉布各縣皆有惟茶攸常澧

為多

容齋三筆丁謂為玉清昭應修宮使所用有永澧之

楓樟

案今永州多楓樟而澧屬絕少

〔一〕統志永定衛出桐油今屬安福縣又慈利安福二

縣出石鯽魚重脣雙鱗游不出境又安福出鱧魚

湖廣通志安福永定出櫻桃葡萄又安福出芙蓉辛

夷又安福出通草又安福永定出鬼車烏

舊通志澧州各縣出羊顛竹又安福出野牛案以皆上
史冊舊傳古今時異所載諸物盡歸烏有矣至一統
通志等所稱安福或即指安福所而言非今邑地也
如通草鬼車野牛等物今邑人鮮有
識其名者錄而辨之以俟參考焉

穀之屬

稻凡十餘種類之爲三曰早稻曰中稻曰晚稻其宜
酒者謂之粳有土黃粳紐調粳白粳烏粳之類

麥有大麥小麥米麥烟麥之別

蕎有甜苦二種春秋俱可種

稔生水田下溼地結穗如粟子細如黍色赤

安福縣志

物產

三

卷之二十五

粟米如魚子有粘粳二種

黍有赤黃黑白數種宜高地

粱有青白黃三種亦有粘粳之分

稷有黑黃數種

御高粱亦曰玉米俗名包穀可飯可釀酒

香米太浮山乾溪峪一帶水田多出之蒸之香而糝

豆卽菽也有黃綠青赤黑大小各種可腐可粉可芽

可蔬可拌飯食飯豆豌豆蠶豆俱堪炒食又有豇豆

如人腎形食之補腎又刀豆扁豆蛾眉豆皆入蔬

〔麻〕有紅黑白三種皆可食亦可榨油滓名麻枯
蔬之屬

〔萊菔〕俗名蘿蔔有紅白二色長圓二類又一種胡蘿
蔔或黃或赤

〔菘〕卽白菜有黃楊白箭竿白皆上品

〔四季菜〕一栽永發四季可食綠葉白花結子易種東
方多有之

〔芥〕卽青菜有青芥大芥馬芥紫芥花芥石芥數種子
可研爲醬

安福縣志

物產

四

卷之二十五

〔葱〕凡四種曰冬葱慈葱大官葱漢葱

〔蒜〕分大小二種大者卽胡蒜

〔韭〕叢生豐本五寸便剪食

〔薤〕葉似韭粗而長

〔薑〕葉似葱中空莖有稜與薤同類

〔薑〕秋生芽名子薑宿根爲薑娘今太浮山南種最佳
〔芻〕有赤白數種小者爲人芻野芻謂之細芻又一種

馬齒莧野生又一種冬莧秋種冬榮

〔茄〕一名落蘇有紫白赤數種今有臙脂龍爪荷包等

名醫家隱其名爲草鼈里

〔瓜〕種類非一今邑有黃瓜冬瓜南瓜西瓜絲瓜苦瓜菜瓜卽越瓜白瓜較長大俗名胡瓜卽北人所稱阿瓜月令王瓜乃野生者一名土瓜非黃瓜也

瓠亦名匏又名瓢又名葫蘆有甘苦二種苦者味如膽不可食

〔芋〕一名蹲鴟有水旱二種大者魁小者芋野芋生溪澗有毒不可食

〔苦蕒〕卽苞也蠶忌之蠶婦亦不可食一種水苦蕒二

安福縣志

物產

五

卷之二十五

八九月采根食之

〔菠稜〕一名菠菜種出西域頗稜國俗誤作菠稜

〔蒿芎〕正二月種葉有汁又白芎葉有白毛卽生菜也俱宜生食

〔苦菜〕生山田及澤中得霜脆而美

〔甕菜〕種出東夷古侖國以甕盛來故名能解野葛毒芹菜有二種荻芹色白取根赤芹取莖葉可作菹

〔筒蒿〕形氣同蒿故名多食動風氣

〔菘蓬〕一名恭菜恭與甜通因其味也

葵有紫莖白莖二種小者名鴨脚葵

百合洲渚山野俱生花有紅白二種根如胡蒜

油菜名藝臺子可榨油瀹食名黃菜

蕨春社後生芽可茹搗根取粉名蕨粉可作糕濟荒

地米菜生野田中可蒸可茹

鵝兒腸葉如馬齒莧可蒸食

灰靛菜狀如莧而色灰

稷筍生膚毳中蓋花之方孕者正二月剝取之

鴨舌頭生水田中以形名

安福縣志

物產

六

卷之二十五

萋蒿卽萋蒿初生可啖

萋菜一名馬蹄菜又名浮荷菜生水

中
菱卽菱角三角四角爲芰兩角爲菱可瀹食

芡卽雞頭米久食宜人莖亦可瀹食

芡筍二三月初生芽茹之脆美

霽水菜冬水而生夏土而死

水荷葉如荷而小儉歲可以濟饑

木之屬

松澧屬多松故隨名松州近亦少植

栢有刺栢側栢二種邑側栢少刺栢多刺栢一名檜
榆木堅忍皮汁滑禮及醫方皆取其滑以爲用

構楮木別名葉可喂豬

桐澧有二種一梧桐子可噉一膏桐子五爪桐子皆
可壓油

槐花未開時狀如米名槐米可染黃可入藥

柘幹疎直實如桑甚葉可飼蠶皮根入藥

楊有黃白青赤四種白者葉圓青者葉長赤者霜降
則葉赤今不多見黃者堅韌可爲梳

安福縣志

物產

七

卷之二十五

縱不彫之性與松栢同營宮室制器用多資其材

柳楊類澧三縣志木有柳條羊鬚

椿嫩葉可茹莢名鳳眼草象形也

桂類甚多在澧屬惟秋花者良可收茗浸酒亦有逐
月開花者謂之月桂

寫橙一作烏柏卽今木于榨油爲燭堅實可久

櫟有二種大者爲水櫟小者爲魚櫟皆可放蠟

安貞一名冬青亦櫟樹可放蠟人鮮施放者子入藥
稷稭欄也皮絲可爲繩索

漆木液粘黑砍皮滴下如水可髹物

皂莢結莢如刀豆用浣衣去油垢

梔子花潔白可茹子丹黃可染名木丹

楝又名苦楝子可浣衣

□葉可染黃子實如豆可爲念珠曰木欒

榧俗作杉可爲棟梁棺槨器用稱諸木之最

樟四時不彫熬汁作樟腦子亦可榨油

楓木最堅實成毬俗呼楓毬燒脂爲白膠香可辟蟻

樺皮有紫黑花者裹弓靶鞍鞆謂之樺皮以皮卷□

安福縣志

物產

八

卷之二十五

燃之可作燭

山茶葉貫四時不改秋花春實子可壓油西北少植

東南最多

櫟或謂之栩其子爲皂汁可染黑

桑葉可飼蠶其材造器最垂久異種附纏謂之桑寄生

生入藥品最貴

榲木似櫟亦有斗小不適用

梓百木之長二名木王石慈永深山有之

楸梓屬 石松

〔檀〕木強忍可爲車軸及斧鑿刀鎚之柄

〔柟〕大者數十圍氣香出九永深山間不多觀也

〔荆〕有黃紫二種

〔石楠〕葉如枇杷治脚弱風痺另有石楠藤

〔柞〕堅木有刺葉可飼蠶

〔榔〕木理有紋 〔檣〕剛木色赤

果之屬

〔桃〕花有紅紫白數色實有大小遲早數種仁皆入藥

〔李〕花白實圓有甘酸苦澇各種根入藥

安福縣志

物產

九

卷之二十五

〔梅〕花先眾木實甘酸可啖可乾可蜜又有紅梅臘梅
綠萼梅皆不結子

〔杏〕實似梅而甘其味薄

〔栗〕九月苞裂實墜大者爲板栗小者爲茅栗差小而
尖圓者爲漸栗生食皆甜美

〔榛〕俗呼榛栗以味似故合稱之

〔櫛〕子內仁可磨粉成塊俗呼苦櫛另有圓櫛差小而
甘又有石櫛無實木不甚大僅供耒柄等用

〔橘〕別稱木奴有金橘金棗金豆等名皮核入藥

〔柚〕似橙而大於橘皮厚味甘

〔橙〕柚屬實大如盃今之佛手柑香椽皆橙類

〔柑〕橘屬澧三縣志柑有牛竹獅頭龍爪

〔石櫛〕種出安石花有黃赤二色實有甘酸苦三種

〔梨〕百果之宗澧人以梨枝接於棠成實頗佳

〔棠〕甘棠也又沙棠寔如李無核

〔杜〕白者甘棠赤者杜實小於梨大於棠

〔棗〕實內有核大者如巨擘又一種小而圓呼羊矢棗

〔平仲〕名銀杏俗稱白果

安福縣志

物產

十

卷之二十五

〔裙櫛〕卽牛奶柿今造傘扇用此柿油

〔柿〕有數種九月葉赤而實紅乾之入藥

〔杷〕有大小二種實熟可食味甘酸今邑中最佳

〔胡桃〕實如桃食取核中仁故名核桃

〔木瓜〕實如小瓜可乾可菹可蜜

〔秣〕檜實似李而小以味甘來眾禽故名

〔郁李〕棠棣也花枝柔豔實如小李仁能潤燥

〔巴椒〕出蜀漢者良故名巴椒人訛呼花椒

〔椽〕一名栩其實如荔仁如老蓮肉

竹之屬

楠竹澧屬竹大者楠爲最其用至廣笋可入蔬亦可造紙冬笋味尤佳

水竹軟可爲索爲簞刮皮爲茹炙之出瀝俱治疫

黃竿竹皮黃

苦竹笋味苦

叢竹四時生笋俗謂之孟宗竹

笙竹可絲以制器又可刺船

百竹生山中宜爲屋椽疑古簾竹之類

安福縣志

物產

十一

卷之二十五

金竹色如金抽枝處仍碧

鳳尾竹葉細而長

實竹細小而勁實可以爲箭古稱箭竹

紫竹大如指俗用爲傘柄

鶴膝羊顛澧三縣志竹有鶴膝羊顛

藥之屬

枸杞一名苦杞子赤如珠根皮名地骨皮

芎藭一名堯韭生石上者一寸九節

紫蘓種有二葉分尖圓紫色者甚香莖葉子俱採用

罇香子可和食品辟宿臭

朶萸實似椒子可和食品

五加皮葉嫩者可蔬根皮浸酒飲佳

薄荷似金錢者勝

天門冬 〔麥門冬〕二冬皆採根去心用亦可蜜食

葛根乾之名乾葛以爲粉兼濟荒歉

黃精採根蒸製以備荒別有句吻食之殺人

〔山查實〕小於梅似梨而酸亦可蜜食

〔薏苡仁〕生平澤田野俗名川穀可伴飯爲粥

安福縣志

物產

十二

卷之二十五

〔縮砂仁〕皮緊縮皺形色如砂故名亦和食品

朶香藤形如木

〔五倍子〕虫窠也以商販得五倍利名可染可服

〔蓖麻殼〕中白仁如續隨子油可調印色無刺者良

〔香附〕莎草根俗名回頭青爲澧屬道地藥

軍前俗呼蝦蟆草卽詩所云芣苢也

〔荊芥〕一名假蘓以香氣似蘓也

〔蒼耳〕詩云卷耳

〔何首烏〕一名野苗一名交藤產澧屬者大如酒母

益母草亦名天麻莖葉花子瞻用子尤勝
箭胡苗似蒿

桔梗葉似杏而花紫

黃連澧州與雅州者勝外此皆土連不可用

金銀花一名忍冬花有黃白二色

澤蘭一名龍棗一名虎蒲

栝樓俗名瓜樓根謂之天花粉

香薷穗如荆芥一種生石上者辛尤甚

半夏根下相連有毒須薑製用

安福縣志

物產

十三

卷之二十五

天南星有毒入牛胆內風乾名胆星

劉寄奴草湯火瘡或用之

尾參銅山最多甚肥壯秋後採之甚眾

丹參俗呼鋸子草

地榆根形畧似胡蘿蔔而瘦

金頂龍牙草蓋馬鞭草花黃故有金頂之目

豨苓蜀號火杵莖葉頗同蒼耳

威靈仙對節生枝治足痠

牽牛子有黑白二種黑者良一名黑丑有毒

當歸服之血得所歸出當州者良故名

芎藭左傳作鞠窮出蜀中者名川芎

旋覆葉如水蘓花黃如菊

黃檗肉厚深黃者良

續斷能消淤血續筋骨故名

連翹種有大小爲療瘡聖藥用之去心

牟膝似牛之膝孕婦忌用

續隨子一名千金子

金櫻子俗名壺瓶果

安福縣志

物產

十四

卷之二十五

百芫根如扁螺性難乾能補肺

決明子葉如苜蓿而大能明目

淫羊藿一名仙靈毗又名三枝九葉草

茯苓老松餘氣所結淮南子千年之松下有茯苓

茵陳蒿類經冬不死因舊苗復生故名

蒲公英麥熟時田間路側多生之

三稜生水田中其根鵝喜食之最爲禾之蠹

篇竹卽篇蓄多生道旁

金星草生背陰木石上無花實

常山以色黃細實形如鷄骨者良

花之屬

荷芙蕖也有紅白二色子亦因之根名藕可生啖亦可作粉子以白者爲上如重臺並頭各種均不結實菊有二種一爲甘菊一爲野菊以黃爲正色

玫瑰有香有色可入茶酒

蘭種類甚多大浮山阿間最盛與澧蘭同春日清香四散山顛水涯到處有之不必庭苑特蓄也

憲綠葉紫莖而香似蘭少遜

安福縣志

物產

十五

卷之二十五

茉莉芳香酷烈佛稱鬘華堪以飾鬘也亦可供茗飲薔薇有大紅粉紅黃白四色又有野薔薇其花甚香瑞香花如丁香一名錦薰籠

牡丹唐人謂之木芍藥得紅紫淺紅通白四種今澧屬皆有之

山丹一葉百蕊狀如繡毬深紅色

芍藥在澧屬者惟赤白二種一名可離

荼蘼香微而清二三月間爛漫可觀

向日葵秋葵一名黃蜀常傾葉向日不令照其根

〔鷄冠花〕有紅白二色亦有五色者又一種矮脚鷄冠
或云卽後庭花也

〔山茶〕有寶珠單葉二種

〔水仙〕有單葉千葉二種

〔碧桃〕木矮無實

〔老少年〕一名雁來紅

〔玉簪花〕白如玉形如簪

〔金鳳〕一名鳳仙花其子俗呼急性子能柔骨

〔不槿〕卽薺花又名白及花

安福縣志

物產

十六

卷之二十五

〔繡毬〕蓓蕾相聚如毬純白色亦有藍色者

〔海棠〕有貼梗垂絲西府木瓜四種另有秋海棠

〔辛夷〕一名木筆二月開花色紫

〔戚里香〕花小不足觀其香甚遠

〔捲旗花〕生阡陌間四月開相傳馬伏波過後有此

〔月月紅〕每月出花鮮紅可愛而嗅之無香

〔紫薇〕四五月始花一名怕癢花以手爪其膚輒動

〔滴滴金〕葉露滴地而生蝴蝶花形似之

〔映山紅〕花可啖一名杜鵑花

〔寵瓜〕〔粉團〕〔剪金〕〔女蘿〕〔報春〕

〔紫荊〕一名滿條春庭院多種之

〔木芙蓉〕清姿雅質獨殿眾芳

〔萱〕即宜男釋芽花耐可食一種鹿葱俗呼金針花一名丹棘一名忘憂

草之屬

〔晉藟〕二月生苗葉小如指可爲蔬

〔繁〕即蓬蒿可食可飼初生蠶

〔藻〕生水底有二種皆可食

安福縣志

物產

十七

卷之二十五

〔蒼石衣〕也

〔蠹蔓〕生

〔蘆〕初生可茹既成可薪多生湖洲江岸

〔蒲〕一名書帶草其筍可茹

〔蓼〕生淺水澤中名水紅花詩稱游龍一名馬蓼可和食品其根荒年可充饑

〔芭蕉〕葉濶高丈餘一種美人蕉花開若蘭經月不口
〔燈心草〕生澤地莖可編蓆穰可燂燈

〔艾〕以陳爲貴

浮萍種有二木浮萍可以飼豬水浮萍鴨鷄喜食
卷栢生石上卷曲如鷄足

薰芳也

馬鞭花紫色生溼地

蒺藜蔓生道上子有三角人疾其刺足故名

三脊茅 管茅 隲舌 牟尾

毛之屬

牟有水牛黃牛二種水牛力大耐水南方多水田故
畜者眾黃牛差少筋骨皮角皆適用不獨力田也

安福縣志

物產

十八

卷之二十五

馬色類不一今所用多出川北雲貴調良而少高大
驢有褐白黑三色本地所產殊少

羸驢父馬母大於驢健於馬有價重數十金至百金
不等者

羊本地所產多山羊鮮綿羊皮不可爲裘

犬有田犬守犬食犬三種本地多守犬少田犬雖食
犬亦以守犬畜之不以供饌

豕於文無豕不成家故比戶畜之本地所產皆黑色
貓有黃黑白駁數色

〔虎〕百獸之長山林叢密處間有之

〔豹〕似虎而小有金錢艾葉土豹等名

〔獾〕卽狗獾似狗而矮皮可爲裘

〔獾〕卽猪獾狀如小猪肉可食

〔狐〕穴獸似狗鼻尖尾大善爲妖魅

〔猴〕有大小青黃各種性燥動害物

〔獺〕〔香麝〕〔麝〕〔鹿〕〔斑貓〕

〔山牛〕形如黃牛蹄畧細皮可爲韉

〔山羊〕野獸似羊

安福縣志

物產

十九

卷之二十

〔野狗〕形如狗皮可爲裘與狐等俗呼岡狗

〔兔〕肉味甘美毛可製筆糞名望月砂入藥

〔鼠〕類甚多俗呼耗子外有禮鼠鼯鼠臊鼠等名

〔刺蝟〕形似鼠攢毛外刺性畏鵲俗名刺猪

羽之屬

〔雞〕家自爲畜形色大小不一

〔鵝〕一名野雁有蒼白二色性舒遲聘禮用以代雁

〔鴨〕一名家鶩一名舒鳧重陽後肥腩味美

〔鴿〕一名鶉鴿性喜合故從鴿逐月生子

〔鷓鴣〕黑似鴉湖濱人多畜之以捕魚或稱烏鬼

〔鷹〕卽爽鳩雄小雌大小曰鷂以媒取之可馴

〔雁〕隨陽鳥春飛向北秋飛向南大者曰鴻

〔燕〕一名鷁春社來秋社去巢避戊巳日

〔〕俗呼野鴨數百爲羣所在皆有

〔油葫蘆〕狀如鳧而小

〔天鵝〕鵠之別名

〔鴛鴦〕卽野鵝大於雁

〔鶻〕形如鴉而大俗名淘河

安福縣志

物產

二十

卷之二十五

〔鶻〕大如鶴青蒼色亦有灰色者

〔鷺〕白毛如雪林棲水食羣飛成序爾雅名春鉏

〔鷗〕江湖溪港皆有之知風起卽飛至岸名鳧鷖

〔鸕鶿〕本名鷁浮游雄左雌右皆有成式

〔鴛鴦〕止必相偶飛必成雙故謂之匹鳥

〔信天翁〕終日立不易處俟魚過乃取之又名青莊

〔魚虎〕小鳥翠羽紅喙性好食魚名翠拏又名魚師

〔白鷹〕色白大如鳩羣飛水上以魚養生

〔鷺〕頭頂皆無毛善鬪性食好啗魚蛇俗呼禿鷺

知卽野雞色斑好鬪禮曰疏趾書曰華蟲性耿介故士執之用乾者

竹雞自呼泥滑滑竹中多有之聲化白蟻

靈雞大倍雞色斑味美湖藪中有之

錦雞腹有文彩狀如鳩鵲

禾雞 〔白雞〕

稻雞飛鳴食宿皆於禾間

斑鳩項有繡紋斑然大曰笋殼斑小曰珍珠斑

鷓俗呼鷓鴣夜飛晝伏無常居而有常匹性善鬪

安福縣志

物產

二十一

卷之二十五

蠟嘴似鳩而脚畧高九永山中多有之

青翠一名鷓居田野間天將雨則鳴

翡翠 桐花鳳

蜘蛛其名自呼身甚小尾長如帶竹林中多有之一

名裙帶鳥

布穀一名鶉鴣一名鳴鳩卽催耕鳥農夫候以下種

溪水發 〔雨兒滴〕二鳥畧相似綠毛長喙能知雨

天麻雀似鶉而小水邊叢草中多有之

枉鶉一名子規春分時夜鳴達旦聲云不如歸去□

鷓鴣一名懷南鳥鳴云鉤輶格磔行不得也哥哥

黃鸝一名鶯卽倉庚鳴則蠶生冬裏泥蟄田中如卵

百舌卽反舌也能反覆其舌隨百鳥之音故名

鸚鵡俗呼八哥純黑色剪其舌能作人言

鶻鴒大如鸚飛則鳴行則搖

鶴古謂之仙禽

鸛似鶴仰鳴則晴俯鳴則雨

啄木觜長數寸舌端有針啄木取蠹以舌鉤食之

鷓一名鷓鴣似山雀而小

安福縣志

物產

二十二

卷之二十五

鷓似鷓鴣嚮風搖翅疾擊雀鳥食之卽詩晨風

隼禽經鷹好峙隼好翔

鸚鵡鳥之大者

鴉惡鳥炙食味美

鴉狼小如鴉尾有岐亦鸚鳥

瓦雀依人小鳥一名嘉賓俗名麻雀

鶻俗呼喜雀

鶻小而多羣腹下白

鳥似鶻而小身黑

畫眉似鶯眉白如畫有巧聲

百頭翁頭白如翁故名

伏翼卽蝙蝠日伏夜飛

鱗之屬

鯉諸魚之長有赤黃白三種

鱣卽鯪魚也色白鱗細池塘多畜之

鱮似鯪而黑大頭細鱗卽雄魚

鮠俗名草魚有青白二色以草飼之肉厚而腴

鯽鮒別名池澤皆有之一種圓者名荷包鯽

鯽一作鯪卽魴也小頭縮項濶腹扁身味腴美

儻小白魚俗稱鯮條亦曰白條好游水面

陽鱈色白頭昂大者長六七寸俗名誑餐

黃須魚湯味甚美俗呼黃額牯

鱒赤瓜貫瞳身圓而長卽今紅眼牯

鱧首有七星身有斑色形長體圓雌雄相隨

鰻扁額長喙性好噉魚

鯖形似鮭卽青魚

鰻巨口細鱗肉中無細刺可作膾

嘉魚鯉質鱒鱗肌肉甚美池塘中可畜之
金魚形如小鯉有龍眼鳳尾各種畜缸中爲玩具
鮎一名鰻頭大尾小身滑無鱗

鮰額形如鯉無鱗骨味極佳俗呼肥鰯魚

白魚版身肉美雄者曰鮓魚子好羣游水上

魴無鱗魚腹黃背青似鱒而小鰓邊有刺

鰻體似鱒平頭大頰好噉魚卽鰪魚也

鰻工魚一斤千頭嘴有刺長寸餘黑紋一線至尾

鯪魚 鱖魚皆魚之小者

安福縣志

物產

二十四

卷之二十五

鮠條魚卽杜詩所謂白小

小鰲一名毛花魚

雙鱗形如青魚一鱗兩葉

鰻鱧魚卽今白鰻

鰻黃質黑章生泥窟中

鰻俗名泥鰻生湖池田泥中

鰻產河者色白產池者色青熟之色紅晒乾曰蝦米

介之屬

鼈陸生水處夏出冬藏所在有浮沫謂之鼈津

〔龜〕雌雄尾交亦與蛇匹板入藥俗呼烏龜

〔蟹〕六跪二螯生岳穴中一種螃蟹大如錢可炸食

〔蠃〕類不一產本地者多田螺生水田岸側亦名螺師

〔蚌〕大者長四五寸其肉視月虧盈人多於月望取食

〔蠣〕附石生蚌屬又一種馬刀似蚌而小形狹而長

〔蜆〕小蛤白黃二種大小厚薄不一漁人多食之

〔蝸牛〕似螺而小緣牆壁間

〔鮫鯉〕即穿山甲

蟲之屬

〔蠶〕雄繭尖細雌繭圓大婦女飼以桑柘初夏繅其絲

〔蜂〕能釀蜜人蓄而取之滓爲蠟別有土蜂木蜂釋蜂

俱不成蜜尾有刺能螫人

〔蠃〕即夜鳴俗呼田雞一名土鴨總名曰蛙

〔蝦〕大者名田父能食蛇子名蝌蚪

〔蝮〕俗名癩蝦蟆五日取酥入藥

〔蛭〕即馬蟻能啞牛馬人血

〔蟻〕蚍蜉也有黃赤黑數種行有隊伍又有白蟻能飛

〔蟬〕爲類一名亦甚多其名嘒嘒蛻入藥

莎雞一名絡緯一名促寒娘

蟋蟀有紅黑黃三種一名趣織一名王孫善鬪

螳螂羽蟲之蟄者一名拒斧搖肩攫食

螻蛄一名石鰕一名螻蛄俗呼土狗穴居夜出

螢腐草所化腹有火一名夜光一名宵燭

蚯蚓一名胸脰一名土龍長吟於地中謂之歌女

蠓蠓生汙壤之上陰雨布生得陽而死

蜻蛉卽蜻蛉六足四翼水蠶所化

蜉蝣似天牛而小黑甲下有翅能飛

安福縣志

物產

二十六

卷之二十五

黑殼蟲似螢而大生蘆葦中夜飛入室則雨

油鹽蟲俗名偷吃漣生厨灶間時放臊氣

灶馬狀如促織稍大好穴於灶又名灶雞

角螳似灶馬高脚長鬚生溼暗處

伊威甕器底蟲名鼠婦俗名地虱母

蠅虎好攫蠅食兩目似虎有光

蠅類不一好逐羶臭青而大者糞能壞物

蚊小飛蟲長喙如針善嘬人血有二種皆爲人患

蜘蛛有數種皆能幕絲結網縛取飛蟲

縊女小蟲夏月吐絲自懸樹底多有之

天鵲一名螂蠖一名步屈似蠶而絕小

蚰蜒暑濕所生行處吐涎成銀色有光

蜈蚣毒蟲喜啗蛇莊子所謂螂蛆甘帶卽此

蝎螫人毒蟲鼠負所化

蟭蟊木中桑蟲一云生糞土中食草木根

謝豹生深土中見人以脚覆首如羞狀

蠲狀似蠶凡草木上皆有之

馬蚘多足黑色長二三寸能登木羣吟

安福縣志

物產

二十七

卷之二十五

蛻娘黑甲蟲一名蛞蝓能轉土爲丸

蝴蝶卽蛺蝶色類不一好翔花間

蜥蜴似蛇四足有蛇醫龍子蝮蜒守宮蝮蝮等名

蛇有草木水火土五種其毒在涎能嚙人

斑蝥

食貨

案前所載各類無非食貨茲特以邑中最多者別出之而棉絮紗布其利九溥故獨詳焉

棉 絮 紗 布 福邑木棉惟大河兩岸居多岡阜

處亦間有之其種植也地宜沙土相兼糞宜肥瘦得宜地太高燥不生太卑濕亦不生太肥則脆而易萎

太瘦則矮而不盛河地有沙有土不燥不濕糞之適宜得利甚多較之岡阜不啻十倍有二種一名小子花一名大子花小子花子小而絨粗其性硬大子花子畧大而絨細其性軟故作細布者多用大子花然小子花只二三觔可出綿一觔大子花須四五觔方可出綿一觔其價相若居民所以多種小子花也有黃白二色黃少而白多黃者成布則紫布也不須染采白者則隨所染無不相宜所謂白受采也其播種也宜立夏前後遲則少實故諺云立夏前好種棉也

安福縣志

物產

二十八

卷之二十五

始鋤謂之破苗子落土數日圻甲而開卽長寸餘兩葉似銅錢俗云要得棉耨銅錢是也顧河地多草名回頭青卽香付子言其易長回頭卽青也數日不鋤則芊綿滿地有害木棉是以烈日如火男婦亦不敢少懈至立秋節後其長不過二三尺再鋤一次謂之斷秋草處暑以後則不必再鋤而回頭青亦盡矣其花葆謂之三藍以其葆三瓣而色藍也其實如桃實老而裂如碧桃花又如石榴花當風戰戰如星點搖搖曝以秋陽所裂愈多若秋雨太盛則易壞男婦

大小每於午後檢收盛以竹藍曝以竹柵候其子乾
咬之有聲出以木出車子落而絨吐則謂之綿皮子
可榨油點燈以便工作亦可調食其味更甚菜油民
間多蓄以備日用既成綿皮用木弓長五尺餘扣以
皮絃以木椎彈之成絮以小竹竿滾成綿條長五六
寸不等用木車鐵鋌子紡之成紗謂之絳子其大如
鴨卵然婦女勤快者一日夜即細紗可得半觔成紗
後捩之成把俗謂之爬合數爬成一觔合數十爬成
數十觔量其多少視其粗細以米汁漿經紗俟曝乾

後又用紡車倒作大筒如大鵝卵然重數兩或數十
或百餘不等於平地牽運上機安以縱線穿以竹唇
捲以機杼轉以木軸以待織機其緯紗之粗細多寡
以經紗爲度經緯相稱其布必勻平而有光澤緯紗
不用米汁漿之取其軟也經剛緯柔亦剛柔相濟之
義也每爬復用紡車以小竹筒倒作小筒謂之絳角
如鵝卵然長不過寸半重不過數錢納之梭中以脚
踩板以手擲梭其機平平其聲軋軋藝熟手快者一
日夜即細布可成一疋福邑鄉民以此作生活者居

多不惟白衣兼可獲利此亦民務之大防也夫一布之成自種棉以來其難若可以歷數小民衣食維難不信然歟

〔王耳〕產冬青樹美

〔王菌〕俗名雁鵝菌秋間多有之味雖佳不可多食

〔鮓魚〕魚出安鄉經邑人辦過道口者美

〔蜂蜜〕見前蜂註

〔菜油〕見前菜臺註

〔桐油〕見前桐樹註

安福縣志

物產

三十

卷二十五

〔茶油〕見前山茶註

〔茶葉〕邑鄉皆間有之惟出東南者味較美

石灰 石炭

木炭

按舊載物產率照舊刊州志一一備登語殊詳贍雖或有註鄰瑣冗之處今皆仍之未遂有乖體例也惟查覈各類或有爲邑地所無者亦復間爲區別仍以俟諸參考焉